

白
華
詩
鈔

白華詩鈔

南漚 吳省欽 沖之

願門集

乙未六月下

峩眉山爲普賢道場其法門由願而入類如儒者之言勇也自嘉定至縣城八十里自麓至其巔百二十里惟春盡至秋半山路雪盡易達校郡旣歲偕秋塘率二騎往遊雖五日遄返而此願亦已果矣至釋氏言非予習聞不以妄說伏後發嘉州爲大戟之行

幾朶蓮花涌郡樓笑憑栗杖撥峯頭華戎路盡蟠千里

仙佛身兼證一流炎令未闌冰欲化潮音不上雨難休
短袍圓笠栖栖往人爲朝山我爲遊

出郭絕草屨渡

西譙枕危坡紆上復紆下槎枒巖石間荒蕪暗炎夏山
薑花不開長葉勢相亞一折見浮橋洪濤快凌瀉青衣
夾草屨東逝無日夜登高先涉深有徑例須借長風吹
客襟驕陽怒回射言悟樂山心清鐘起精舍

蘇稽村

青青香稻根漉池浸盈尺僕夫嬾問途騎馬踵牛跡東
場間西場煙火望交織傳言玉局公稽留永晨夕公生

紗縠行程王繫密戚皆非嘉州產來此欲誰覲編年富
詩卷不我大義適或言蘇瓌子初年坐淪謫于祖爲始
遷文誼資感激築亭姑號孟成村遂姓酈三峯高巍巍
一水淨漈漈呼渡景色蒼幽踐果岑寂

玉屏山家

暑路拂寒翠脩脩修竹林在機白紵布繫樹黃牛盲莫
問少義道雪踪行更深半瓢酌溪水緩帶玉屏陰

我眉縣宿雨

信馬平田外濃氛染縣門路顏山似浪戶少邑如村香
會今停稅蔬齋晚進餐打窻聞急響重洗曉眉痕

發南門至了寶寺小憩

將從化人國遂出儒林街沿紆指良方累磴如羸羸油
油稻吐芒謾謾松搖釵籜冠三數子頂禮紛挨排行天
絕夏日寒翠盈我懷渴飲瑜伽流勞憩慈福齋拘蘆閣
時代紺碧生涎蝸一聲發清磬萬慮刪淫哇巨儒榜眞
境寺坊揭魏鶴山所書
我峯眞境四字今失學道非無階仰止憺忘語且與
空桑偕

報國寺觀明祖御容

紅羅孤兒起濠泗龍鳳之君正名義吞吳埽漢天咫尺
洪武紀年儼稱制星眸日角河嶽明戎衣社稷終告傾

凌煙畫象莽蕭瑟帝表一見人皆驚方巾革帶眞氣出
三十功名狀仿佛賜履應偕蜀秀才奉香尙託普賢佛
閻浮劫火沈復飛早年皇覺空因依孝陵松柏竟無恙
靈谷同此留光暉琳宮玉地照虹電見首神龍界衣緣
藏處今歸西極山曬時曩識南薰殿

虎谿

九老寺前孤往十方院外偕來溪聲繞脚聽合樹色壓
頭望開人行如魚逆上佛現有鳥忙催值得過橋一笑
社蓮零落難栽

伏虎寺

礪聲奮疾雷萬峯颯搖動一峯踞如虎頭尾塞天空客
行捋其鬢蹢步惴魂夢初枕升末枕努力駕飛鞚灑然
白足師枯坐事焚誦掖我循石梁納納夏雲凍篁幽鳥
息窺樹老蟬發哢爲問尊勝幢宋僧士性立此厭虎患往蹟廢炎
宋猛噬終絕踪結茅慰徒衆珪璋著朝彥蔣虎臣超安棲入
林洞雖無玉帶留幸有銀鉤供開堂欸茶話下視累深
甕在寺白鹿陪出寺斑鹿送

解脫橋

風洞招涼響不多筍輿無逕避藤蘿流雲決漭催人起
解脫橋連解脫坡

玉女峯

玉女隔太華十手難與招招我過中峯乃涉青竹橋
嚴架飛閣婀娜垂雲鬢浴池廣四尺不涸澄不淆湛然
離垢心有客宋邛州牧馮楫嘗編茅忍飢對經卷饋食或娥媼
蒲團示晏坐粥飯辭紛敲超超淨名地假相眞七泡

枹木坪

坪有一大枹俗稱木涼傘

華旃摩石壇絳旛翳金闕莊嚴帝釋儀隻手障騎喝何
年委斷厓亭童耀窮髮孤撐幾由旬終古布濃樾其腹
中怒呀置象儼朝謁石公石新婦神火蘊醞醇一遭橫
雨來遮頭坐兀兀昔聞豫章材七年始生發終爲梁棟

需早受斧斤伐震川論采枿苦語告紳笏山深民運艱
須芘辟支佛賓迦龍木叉徙倚護靈窟青牛奔未曾紅
鶴汚豈不葆影遽翩翩長風起颺歟

石船

輕篋臨白厓壑舟艤相向沈雄負千斛作使巨鼇盪胚
渾結山骨炯碎琢天匠左右排篷窻首尾擁屏障午間
凍雨懸念汝沒溪漲萬靈伏水底推輓駕高浪水枯船
遂低水盛船自上得非大願船西來度塵瘴帆影掛有
然篙痕齧無恙僂僂是山潮請效施樓唱

五十三步

蒼磴連排五十三落伽同記善財叅不知前步高多少
將半鐘聲殷隔菴

大我石

石下卽神水旁有閣及陳希夷書福壽字

香鑪峙我前寶掌落我後白雲遷我左玉女掖我右蒼
煙千萬重出意蹙金繡洞門堆一卷問名壓靈鷲囷輪
斲巨刃橫走圻龜繇神湫瀦其間孟仰得方寶醍醐沁
冰雪掬付兩頰漱人生無百年不死法難購一老來華
山點筆駭冰籀視聽頌清福胎息籲遐壽竊笑二三我
拱讓大我秀閣前香樹林椿柏陰四覆旁葉婉青螭直
榦愈堅瘦孤清湛水木秋氣入筋腠笛聲吟老龍裂竹

響交驟咄嗟太妙天待與綠章奏

歌鳳臺

之子行三楚興言鳳德衰如何羅目縣復有陸通臺風
調開騷些狂名照斗魁一歌聲欸乃響水過橋來賀從

章讀

雙飛橋

本名雙溪

一溪衝一橋一橋束一溪溪雙橋亦雙胡乃名雙飛劈
開烏玉峽積下元冰斲側耳三日聾怒蚪騰水嬉伏地
奮播鼓坤軸翻東西崖傾路磬折咫尺步皆紆威四山起
殺氣黯黯沉袷衣魑魅晝寒栗予行且啼萬靈意慌

惚直以牛心石支力持二水交磨洗稜與圭頗聞小應
泉晴雨徵漸炊道人修道處取徑便扳躋花壇鍊鉛竈
松院敲枰棋草木死不萌要足淩丹梯喻彼廣長舌去
去踪難稽

踰白龍洞投宿萬年寺

蟻壙堆亂峯鳥道探微徑洞門森蟄靈揖禱致恭敬盤
旋上木末十夫導游偵俄聞懽笑言神臯豁正正青蓮
湧大千海會會西聖行空仰赤曜紺碧麗珠鏡翔步遵
高衢花宮忝妍覲入門馴鵲迎過院沸蜩應元悟生道
心頓遣熱塵淨伊蒲饌試充優曇華欲贈昏冥篁柏陰

圍住夜鐘定懸燈照四更下弦月痕疑

萬年寺觀佛牙

寺有正德間賜喃兒節及萬歷間命經廠表白王舉賞藏經至

寺祈福
二勅

精藍冠穹厓自晉紀僧臘鎮山鴻寶多云出九重闔武
皇勅都綱妙楷足摹揭系以旁行書瞠目厭囀啗何王
大藏經頒誦禮三帟表白承特差祈懺望交答眇躬登
康泰民物任衰颯失常鑒亂朝唾棄付歎飲一僧擎盡
饌解緇映文鋁有物蛻尺餘黃白色相雜削成株翹犀
磨就印撥蠟滑笏便手捫棧齮緬頤監上下斷稜嶒左
右齧猥黯橫裂痕半開勻沁點四合厚藏象齒如舊拔

鯨牙盡西天拈笑人四八相圍納偶然委輔車宴坐支
兩頰迎歸雙樹林厭勝千花塔我聞無遮會香宅掃茸
闌又聞那竭城寶函護鏗磕水火不焚濡刀兵不戕拉
亦有倨曲材附會向獅鴿羚羊角擊之破碎喪皆塔是
爲神猊齒黔蜀產紛沓眞者頂欲戴僞者脚思踏而何
丈六身調御逝長溘瀾翻逞餘慧抵掌脫烏匿故教置
包匭還與薰艾蒞飽嘗一櫟飭絲鬢老禪榻禪祖持法
牙伴我整簪輟

磚殿禮普賢銅象

虛靈洞天數第七廣成師授皇軒轅仙家佛家代升降

謂此常住菩薩根願王苦修度南戒五臺補怛相雄尊
不叅悲慈不叅智要時鼎足開法門三千眷屬受摩記
范像紺寺祥雲屯宋時遺范化回祿明甃磚煥輝祇園
搏恒河沙汰壑髻無楹無棋高累甌下方方廣上方銳
力踐實地非鉤援山月晃朗照肉髻溪風颯拉繡珠帟
金身戔然相端好妙染篤耨霏煙昏六牙香象帖如鼠
擁座不動資趺蹲菩提覺性伏羣猛何況四壁聽法諸
佛頭排竈禪支萬萬泝迦葉圓通品乃超離藩堅持宏
願慰沈墜明星慧日光瞻暹法華四法現本相人力結
撰精不存諸天供奉出慈詔琉璃盼可連朱闌兩浹白

水鑑孤影閣井安得窺真源鎮州大佛亦金鑄濁惱一切薰塵躋茲殿茲像嘆希有欲挂偏祖成高騫瘠公琴聲憶清聽一笑解脫忘名言

曉上觀心坡至息心坡飯

山房開曙遲攬衣趨僧課殿後迴向東煙梢凍痕破我行赴煙頂畏受輿丁簸杖藜投溼泥哀淙咽相和半厓見石郎麼眇踞高座盤陀一十三蛇逕走牛磨舉膝當我心心搖膝則那禿樹纏亂藤累寸恣巖坳竹雞迎客啼松鼠避人過午餘麗初旭額手致遙賀嵌空出菌閣小食慙飮餓旣隨白雲升便隨白雲臥

深坑

一名雲壑

山雲連斷壑晴樹泣難晞欲挽遊人語難邀仙鼠飛半
天懸鐵索一水抱青衣俯仰生寥曠我心何所依

初殿

已攀駘駘嶺遂指鷺鷥峯一綫挂微徑被徑青連叢木
杪露平地燒壁千花紅僵死見竹箬維筍僧猶供似聞
上層路蔬茗無春容撥雪尋寸芽暑月裴蒙茸少安駐
芒屨雲海行相逢前山賣漿客後山採藥翁導我坐蒼
鹿四顧天迷濛

一櫬水

涼乳涓巖竇因風灑綠蘿道人攜玉碗滿引不須多

華嚴頂佛閣觀雲海

入山罷不能自踵漸摩頂猱飈吹鬣絲霧閣坐延頸圭
撮羅衆峯紫翠媚餘景龍鬚噓毒怒濡縷起深井一雲
肖一物一物幻一影蓬蓬來四方作氣護懷冷彈指成
化城虛白混畦町妒羅縣萬重跂随海千頃隔掌不見
人圓蒲了循省華嚴稱法藏世界本平等呼童換熟衣
閃閃智燈耿蒲公暨鬼谷慰我支丹鼎花汞散復收紅
日照金鉸悠然生滅心空色悟精警雲合我甞忙雲開
我終靜回瞰閣下頭澄波鑒魚荇

鑽天坡

蹊步緣秋毫蛇行鮮凌瞥山精妒遊駕倒作五丁掣鉤
帶青石稜兩踝血流熱手足爭效能梯天絙鏐鐵括箭
趨一門重閉限金鏑仰之復鑽之不惜古錐折佛心乖
大慈一笑援窮子翼以杪櫺陰搖風響騷屑一林千萬
林刀火膏遺蘖眩掉精屢疲眺攬勇須決安得鏟稍平
徑蹋古時雪莫言人到難試看鳥飛絕

洗象池

象王有香象不洗不曾騎住鉢龍分水看壇鹿飲池波
瀾紫霞氣蹴踏白雲期宣武門前景閑僧恐未知

初喜亭

衆生距菩薩返照同一身平地距山頂實踐同一塵聞
香覓前路貝多罪襲人虛亭冒林杪曠望無與隣潭潭
濯雲霧爛爛披星辰裁眉月爲鏡平羌水爲紳現在何
可喜過去何可噉寄言向禽侶且學羲皇民

滑石溝

石氣冰去人寒苔衣膩不乾披裘五六月躡屐一千盤
雪采依山淨雲聲落海漫雷威古松樹剪取待君彈

木皮殿

禪堂苔翳瓦不用土用木不用節用皮俾禦雨淋漉俾

禦風蕩搖俾禦雪壓覆爲質韌且輕賤視糞伶竹杉枿
大百圍冰霰飽牝谷鐵榦青銅柯肯受斧斯斲匠心訴
眞宰筮取剥膚酷禡如牛革鞞鋪似魚鱗蹙石卵分鎖
之牢固勝純束計貲工不煩論壽朽豈速茲殿臨廣坪
柏翠迴滋沐利竿荒以寒遺碣失載錄早無獻果猿庶
有守林鹿而何袒拜人作會等雞鞠前去高上天貂狐
喪恒煥苦茅難結廬牽蘿鮮補屋須彌與大地金界耀
乾竺俛瞰來處山糝餉隱雲族

白雲殿

殿下千朶雲雲中一朶殿殿棟雲宿之山心闕無見雲

來懸作衣雲去凍爲霰

雷洞坪

山精縱荒率挂眼了無剩決起風雨師出奇肆雄橫砰
訇鐘發杵喧沓船走碇雷車載鼓來萬仞劈懸磴彼坪
殊不平劣斷采樵徑巖霏滑如乳盲昧照孤檠九霄落
九淵垂趾卽危筭叢攢交拄之深景一扶凭不見人迹
投矧乃人語應畧持精進幢爲攬妙明鏡

瞰九老洞不得下

洞門如縋井深翳木蓮紅言飲一盃水長懷九老風雞
聲仙樂亂鶴影道裝空列炬憑呼取跼蹐徑未通

老僧樹

智樹招定僧僧定腹其際僧爲樹知識樹得僧布施僧
枯樹不枯膏此涅槃地綠蘿擢僧髮蒼藤引僧臂僧樹
兩不知勸君悟身世忽聞風樹音依約梵聲曳

天門石

人天懺阻艱峻極就平坦盤盤下千四歷盡息瓊館壇
石三四方離立介哇噉一石雄且尊地戶選虛窾灼然
三兆開劃若六爻斷驚飈蕩魂魄如氣迸羌管雙闔排
不難九闔守可緩入門控單騎蒼寒戒褰袒女媧居是
山煉石石華滿山開門影長山閉門影短

光相寺臺觀佛光

大戟峩峩偃霄漢有臺高架如登輶不情嵌壁下無底
怪游雲物噓壑蛟俾十八天湧銀地障眼滉漭投吟鞬
踈踈一鳥似鸛鵒至自上界鳴聲咬西方聖人通鳥語
不垢不淨揚華髻法輪常住日輪閃雄虹雌霓頭尾交
若中秋月抱重暈若太極圖藏一胞青黃朱碧幻種種
若置畫手施神膠不見人相見我相對大圓鏡無叢淆
人身手動佛光動圓滿四照王城郊我思如來相海三
十二身光一丈榮巖坳卽一葉中具真相空色莫可探
潛苞或云石氣或金氣曉夜遞積騰山竅清現小現攝

身現石湖載錄九厓呬雲光迴薄日下射想象天地陰
陽包微塵自大大千小要放智慧叅繇爻雲蒸日隱光
亦隱西日特地光橫梢乃知佛現鳥名如鸛祇是報晴
者休使人相我相攪擾胸塞茅我求佛踪聞佛說爲露
爲電爲飛泡迴身一照玉豪在瑠璃法藏皆當拋智王
相遇作厮打卷泥巨象誰雄哮臺前光收客竟下肉眼
睜看煙漫梢

峩頂

一片春眉影滄涼最上層燎衣丹竈火數上髮玉壺冰
到夢仙纔似披圖我特曾不愁逢晦節中夜湧神燈

太古荒虛外山山雪逗痕地盤盡西極天路下南門稍
吐櫛枿秀難鶯鶴鶴尊崑崙論伯仲回首曠乾坤
亂水吞仍吐羣峯合旋開掌中繫日月脚底動風雷大
地浮銀闕諸天渡玉杯迢迢千萬里直上放光臺
盛夏懷如冬疎寮酒失濃六棱五色石一寸萬年松冷
蓋拋塵話薰爐泥道縱不知昏霧裏誰打報晴鐘

聖燈歌

震旦山云第一靈陵天云第七山青天青響瑤瑟苦霧
沈冥暗黏漆燒山半炬啣山九日爛爛熒熒聖燈出前
燈後燈急如律燈疎燈密燈擁山高燈下燈往復還紅

於海榴大於蓋三昧碎簇金芒斑吾云是陰火姦道場
遠隔裨海灣吾云是燐火殷仙界下隔窻鬼關乾螢無
輝燭龍竄有時裏入放光臺上光交環是時絳河在天
漏三五夜氣迷茫溼經鼓野僧落款飛葉橫葉上孤光
遁何許獻嘻乎智燈非智法非法百華九枝卷塵劫收
處終隨蘭燼空現來自吐松明雲燈痕畢竟襯星痕星
淡星繁燈不言今宵朗徹三千界認作蓮華放水盆

白龍池

白龍公黑龍子躍入金殿東一里池上天池中水水花
上天俄下天天放日光浴清泚

峩頂望西北諸雪山歌

我行兩川三載不見雪見雪乃在三伏之庚天大峩過
夏雪亦化惟有泰西乾竺一抹山影如傅胡粉堆吳縣
曬經稍近南瓦屋介西北光音寥寥四天碧佛頭青青
佛毫白白波汗滯朝大峩沫濛汶瀆縈帶羅四州郊郭
小於豆却借大園海底一氣供噓呵眼花落井脚跟掉
賦雪看山人不到修羅半霎如清眺亂吐雲衣裹山貌
豈知山靈遼望終古極空濶中峩小峩眇塵末坐使雪
山萬里迴巧獻技赴庭闕嗚呼安得佛日融雪山徑通
佑我再攬八極支孤筇

山歸雜詠

三島離奇五嶽尊西天平看祇兒孫金剛臺上蒸炊少
爲吸圓光倚願門

銅碑錫瓦界無遮雲海燈山雪放花不向頂峯叅佛眼
那知清淨是繁華

懸厓一綫繩枯筇勇進尤防退步鬆漸卸棉裘換絺葛
三生迴聽下方鐘

蘿峯

菴名蔣太史築

小築渺塵漚笑檢煙霞付剔搜會取三吾

題字意義山澱水在心頭

白華詩鈔

南匯 吳省欽 沖之

里區集一

起乙未七月止十月

自去夏至今六月在成都使署所作益以嘉州詩數篇既爲學舍集矣川東之忠夔達曩所未至故得詩較多其他乃甚少漢律宿客曰傳舍不宿客曰里區學使所部皆有署惟按試始至主也非客也吾區之吾仍舍之異時旋轡國門在塗投宿之作擬以附此

敘州七夕

龍雨纔收熟稻天朱提城堞夕霞穿遠連夔口濤傾座
新載峨眉月滿船度土金針終縹渺平蠻銅鼓最紛闐
煎茶况味親嘗久不要流盃作去綺筵

答泉之問川馬

顛簸羸車滾輓紅殷勤短札訊花驤旌驍萬里經行久
不見驅黃逐隊空

兩屐尋山去齒頻筍輿無路碧嶙峋短衣小試巴賁產
未算西南叱馭人

飛龍內廡借須還聽鼓應官曉漏慳相去到風蹄攢四
點華林校勘讓君嫺

虞阪長鳴汨未收
勸憑呼馬更呼牛
文淵慷慨吾何有
款段同騎約少游

重題鬱姑臺

嘉州落都山久載
景純識隋將氏鬱姑
鑿開變洪浸隣
封指燹侯百里帶
衿衽一峯號師來有
臺瞭祥祲傳聞
鬱姑仙玉液此畱
飲我昔題惡詩欲
辨口猶噤隋將宋
則仙華胄豈遙蔭
抑聞虔境山長公
發幽吟鬱孤卽賀
蘭

嘉州鬱孤臺名勝
志一名賀蘭山

官氏魏所任複姓孤有五

見廣韻註鬱

孤特湮沈孤也沿作姑耳
食誤斯甚豈其重甲擐而爲
六銖紆壺觴遊客攜陟涕道
童禁臨覽日未斜石闌睨

枕枕

瀘州書院祀魏鶴山魏嘗兩領州事也院外遠山隔江了了山長楊進士鶴然卓以山無主名屬予名之曰少鶴爲詩紀之

昔我憩臨邛華父奉香瓣西望白鶴山蒲江隔河漢低

徊樓上頭桑主閭朱案驚蠅與飛鳥三字揭青翰

邛州試院

榜魏八分書雲吟山三字

揭來江雒交遺愛訪書院治改祠亦遷政

成史所贊釐然興教養餘力逮守戰所疑理學儒宗友昧條貫既涉苞人嫌本異張祿竄因循冒他姓茲獄待誰斷謗騰僞君子時事足三歎與君坐論古矯首笑舉

嶂九闌列堦前一江抱城畔遠峯無主名改題戒誣譌
少岷緣大岷詎必接厓棧如人族望同千里可謁讚當
公領郡年山色爲公獻及我按郡時山名自我喚得名
不在仙薄采溪毛奠應有縞衣人蹢躅下沙泝

奎星閣觀漲

漢家城闕鎮飛瀧沙鳥風帆上八窓拔地樓臺聯北斗
報晴鐘鼓冠南邦却思聽雨喧前夜及記觀濤混曲江
檢點青蓑醉乘興煙波千里一漁缸

可垣刺史招同淳江明府雨中渡江入寶蓮菴
將登北巖不果

五峯何嬋媛幽訪急呼渡投鞭會澤門毛雨塞煙渚截
流打雙槳一折九迴顧餘甘千萬頭風物渺非故市密
炊火生橋橫欄泉吐豈知百步間遂與祇林遇斷垣圍
禾麻連磴亞竹樹迢迢鐘梵音幼眇更何處山居悅爽
塏胡然滂蒼霧苔痕上石墀篋響下沙路殘碑記捨宅
妙蓮適來輸雖無王少文裴休跡其庶邦君出戎馬自
笑問津悞而我汗漫期亦被雨師妒逝將招隱心桂下
飽風露漁唱起江邨言歸逐飛鷺

笏巖同年自滇浮家過瀘可垣刺史訂同遊集
如畫山城瞰落帆匆匆走馬叩門監簿攜洱海團雲種

同試瀘陽滴乳巖遠道風華生夜簾當時文酒瀉春衫
江南一唱千金直可有琵琶捧玉纖

師門一昨咬春筵我向西川子向滇輶使慣催行按部
銅官穩載去朝天共看羈宦成游宦却喚同年作少年
觸迂東南賢地主使君巖畔屐痕偏

合江追和阮亭尙書西涼神祠曲

少岷青峭削三峯隋代真人石匱封却數畧陽氏破虜
靈祠喧打五更鐘

玉門持節下姑臧能賦龜茲志慨慷一等枋頭光夜起
斷堤人指黑龍藏

麟嘉宮闕莽秋煙醺酒江城事偶然我不識神神識我
帝車曾侍七星天

今文昌神或以
當化身爲呂光

靜總戎圈中乳虎

於菟脫乳小於狗抱狗來窺狗跳走磨牙澤吻天性成
一剪腥風怒張口噬獸猶可行噬人直欄曲檻囚使馴
獠奴擇肉餒朝暮彼食不飽非吾仁人言養虎自遺患
義虎却能報恩怨總戎絡臂痛穿礮試嚙仇頭帳前獻
慎勿搖尾工乞憐廣場一看邀一錢畫轅霜淨百蟲避
更勿輕假童牛權

潘訓導

元音

遺綦江石龜

綦市兩頭龜矜重邁六目而何山骨凝外骨內無肉是
山名猫居居民倚平麓夏秋龍雨多崩石亂填谷搜尋
辨光氣如玉孕良璞剖以金錯刀繭栗滾瑤瑤穹脊兼
蛇頭廣肩竝鼈足一孟井華水靜夜付淘漉亭午拭令
乾一撮布嘉穀如是經七年易象筮來復宛然行息軀
靈出介蟲族雖難憲否臧坐遣祝融伏司訓相惠存物
理究涵育何聞元緒呼何向余且告何負綠圖獻何托
芳苓宿雨翔何頡頏金糞何禿速涪何雙魚沈峽何一
蟻蹙何頭懸高柳何癭綴枯木大鈞塊軋多悉數憚更
僕休爲床脚支姑取研坳蓄縣窮民力頓此或資販鬻

慎勿紛街奇聲價抗蘄綠

校射晚歸

十八梯頭簇細旂揚葭歸院路相連塵生錦埒須沾雨
風送牙旂忽動煙顧兔自闕弓影挂餓鷗翻學箭聲傳
萬家星火高城迥誰汜輕舸水上天

永川松化石屏

草堂崢嶸龍作鱗畫屏如水空點塵來蘇鎮前致方物
霹靂寸寸燒圉輪膜粗理細恣摩玩巧匠程材琢花片
衆曲寧論繡錦張浮思豈待鏐金鍊有屏如此屏卽山
一毛一粒春斑斑倚時想象濤聲涌疊後依稀雲氣還

蒼髯老公幻兒戲孕珀儲苓祇餘事後彫人識古松心
不轉我懷貞石義蕭郎意賞松石同萬年松化吟杜公
萬年松化石杜句却防夜半化松去掩屏勿令當長風

出銅鑼峽

江漲乘秋霖百灘挂飛練鼓柁娛遠情坡樹綴餘蔭坡
窮江亦窮厓勢陡中變波臣出奇力十畝弄圓漩遠吞
估客舟誤投介一綫始如風毛旋繼若井椀竈欲下反
上行及下激于箭前朝平蜀計分道事攻戰將軍船翼
樓降王車走傳此間啣壁地往轍縱懷緬遠聽阿那歌
芳尊動流戀

木洞得泉之信

峽斷風無定孤舟下水難
山圍巴郡外人出楚雲端
猿語傳清怨魚書戒早寒
分明佩萸節獨自傍烏蠻

曉泊長壽

日上丹臺迥江皋遲建城
道衝人戶遠秋漲縣橋平
橘柚懸金重鳬鷗泛雪輕
革除遺老地畱吊雪菴名

涪州阻水

外水送孤篷又流下武隆
魚沈萱草綠驛斷荔枝紅
山色圍杯底灘聲汨枕中
碧雲亭徙倚莫遣月朦朧

涪州北巖注易洞

江撓赴巖翠撓動巖亦動蟻旋附危級衰草冪其空三
休入孤院傾耳辨弦誦有懷風教存右折訪厓洞山寒
地堅瘦宿潒慘凝凍滑澁循坡陀打面雨飛送舉頭見
水簾簾底日穿縫始知置身處虛厂覆帷幪壞藤絡虬
龍老樹翫鸞鳳畱題半磨滅姓名孰珍重講筵赴編管
濟惡語堪痛闢堂注周易奧義揭塵夢石牀坐生徒造
次古禮用爾時川黨賢應悔市爭閨堂成歲三稔涪翁
適過從擘篋榜鈎深陳義庶善頌自爲夷陵徙漸作講
堂供迹削名愈高吾學著前統彼哉王真人煉氣習騰
祖覽古心激昂幽幽礪禽呀

羣豬灘

白蹄烝涉波夜漲高數仞膨脝伏波底聚族肆砰磷爲
積爲艾貍睢盱競觀釁磨牙吞客舟立啼作霆震歎涌
白浪花漩渦列圓陣非無舩與篙激裂斷寸寸一起勢
一落魚腹葬同殉連朝苦札水格豚恃忠信擬操屠伯
刀肯縈恣排擯長年啟利涉趨避貴精愼平指爭一槽
整暇如卧鎮汔濟色死灰秋風老霜鬢

蔡新懦太守以今春三月別予錦城言將出棧
歸浙頃予按渝事歲意外相聚知以阻水滯
畱竝出紙乞爲巴舩出峽詩而虛其左以待

畫奉題歸之

太守守閬州軍興閱三載請命爲部民豈特樹風采昨
歲官竟休券驢歷鬼磔寫將出棧圖屢卜期屢改改卜
向嘉陵努力片帆買行行抵巴郡病孫坐湔灑毒暑浮
瘴煙漲水浩溟漭因循過中秋按部予亦乃撒扇及佩
萸意外接談頗有如兩葉萍適復會滄海抽帆到岸身
慎勿慮寒餒軍儲關度支吏職戒遷賄錙銖手未沾肩
項得輕擺攜家上五版吾舌代耕在峽景天下稀丹翠
不可免鰲黃牛踞炮皴蒼蟆瘡神女峯便娟禹王宮
碧彩孫劉戰壘荒屈宋騷心解清夜聞竹枝哀猿和聲

每一詫穿夔巫州亭共樂愷老年必辭蜀諺語信非紿
吳諺少不入川圖此歸東吳抗迹寄壺柵湖天十錦船左
手正持蟹青楓懶漫吟黃菊頻煩採物情嗜奇遠披矚
幸無駭媿非淵穎才泚筆預畱待

聞官軍克勒烏圍

牛酒作去中秋懸巢命果休白雲聯角戍紅燼斷經樓
上苑傳旗去前庭卷甲收遙知天象炯今夜落旄頭

平都憩二仙閣瞰五雲洞還坐巖上觀大江

江岸夾衆山延亘卧蠶簇山泥爛金紫日射眩雙目一
峯稍離立猗儺蔽雲木矯然鸞翠翔滿縣滴蛾綠橫舟

西郭門好景，潤凡俗湫隘。穿人煙靜，便跂靈躅。悠悠通
仙橋斷，水尙盈掬。連蜷蔭黃葛，扶幹大如屋。楓檜搖寒
風，愈陟徑逾曲。琳宮千百間，高下點巖陸。仙家日月長，
例許覆棋局。游息同世人，何必離血肉。何年浮屠教，附
會說陰獄。揭鉢圖獰鬣，回輪狀胎殞。直以鬼伯場，而爲
福地辱。請觀五雲洞，洞底肖空腹。投炬照光明，駭起數
蝙蝠。前山奔青牛，後山叫白鹿。巴江動吾前，吾或濯吾
足。終期尋玉碑，蒼茫剗苔讀。

舟中得唐氏妹書寄示蔭夫

水程論萬那，論千錦字傳來隔。判年笑指沙哥碧，幢影

不攜崔嫂向東川

衰門骨肉早伶俜
祿養長違愴過庭
解道生男勝生女
東風長掃墓田青

噉噉清猿泪濕衣
巴舩無計送東歸
蘇程兄弟分張久
玉鏡臺前爲解圍

牟渡

灘過槳雙橫灘來槳一迎
亂山蒼霧重古渡白沙平
分碓農擔穀連場客販橙不嫌霜冷候葉脫寺樓明

曉登忠州城樓

畫角烏烏繞曙氛
高城寒枕大江濱
徑流草露濃於雨

屋起柴煙凍卽雲一代楚臣偃瓊佩幾時巴女會羅帶
悲秋不盡登臨感冷狄疎鴻昨夜聞

引藤

藤大如指長不二尺中空可吸酒見香山詩今忠人以雜糧治釀釀成置藤其中吸

之謂之哂酒與
黠苗所釀小異

巴人酒熟糟滿罌山蕎畚粟皆酒兵醺無香茅漉無葛
罌口翹插尺六之枯藤心空節少肌理滑且哂且灌波
元冥水力入酒酒力出四座傳吸如長鯨盃鸚酸號杓
鷗妒何物敢抗蒼犀精古之釀法創儀狄哂酒比擅花
苗能獠狔猗犵競跳舞義侑不乃笙蘆笙方州密邇五
溪洞碧簫雅飲寒風盟此藤弱小劣於管黃心膩艷名

相傾醉吟先生聚賓從巴王臺下歌喉鳴爾時斗價直
三百信手引醉魂膏騰後來習尙化醅薄不論臍膈安
鑪鑪不噉不啜不呀呷貽酒徒笑冠絕纓世間醒草種
不乏底事媚醉抽纖莖天台藤杖剡藤紙道從汙降從
隆升士夫嘉會待行禮忘禮爲禮吾斯輕藤乎藤乎爾
勿狡獪助狂藥萬一下令斬刈資刀耕

使署學坡雜題

涪陵東去急奔洪禹廟巴臺氣象雄笑向白詩畱轉語
一州豈止一村同

百濮三巴徼路長懷忠懷信細評量要知蔓子存誠意

便是廬陵節義鄉

門塗廳事聳棱棱陸舫高張檻試憑幾點輕帆幾沙鳥
屏風只在翠微層

三楹如斗枕盤陀黃土圍牆長碧蘿賓佐無多花柳晚
不妨借我作東坡

林檎葉爛木蓮傾歌女蕭寥醉未成惟有斷谿橋下瀉
夜涼遙和玉鐙鳴

廿年石砧土歸流千里瞿塘沂下游安得青袍過羊渡
春糧集試在方州

霽後登屏風山歷禹廟觀音洞憩陸宣公祠墓

月額雨竟休高見漲痕落曹事告一空喜出南賓郭西
溪絕神溪沙面蓋山脚石闕兩蔽虧木杪啁寒鵲毀瓦
祠似王碑碣無可拓拜罷尋故蹊積淖汚秋籜茫茫江
勢來奮欲撼崖嶠崆嶸滑汰間無計歇芒屨當時玉虛
觀結構問焉託雲根豁雙洞窖水深未涸外爲雙闔呀
內比一池鑿向南數十步內相實井椀墓前結孤亭墓
上蔭老柞一存一久廢觀豈墓相若霜清狐鼠寒百丈
下鵬鶚覽古鬱心胸淒風起巖壑

禹廟

禹力無不到遠江人更神元圭君象儼金鼎物華新暮

峽黃牛合秋灘白鳥親茫茫傳一宿乘載祇艱辛

陸宣公墓

吳郡傳歸葬榛叢此重坂如聞白麻詔長掩翠屏山
難危疑地懷忠要眇間巴東祠寇相相望泪潺湲

黃華

屈原塢外霧濛濛上水危檣下水舫直爲鱗魚謀斗酒
黃華江口白蘋風

石竇砦

砦有壁陡立山上袤廣數畝絕不戴土其僧寺第三重相傳有石竇日溢水米

供一僧飲食或鑿竇使廣其源遂絕

峽轉江曠如土坡稍迤衍中央森鐵棧四面絕陁峴斗

然畫方罍一髮挂班薛僧居無所緣累構歷九轉有如
負殼蝸亦若上山繭厥頂寬數弓場磳不容碾三重青
豆房因石告除剪石竇涓細流利用勝雲笈未煩洄酌
勞功德證非淺時以齊盞承溢米出精選俾佐香積厨
一僧飢可免貪夫運圓鑿脈斷物遽殄長年指點處圖
經失披展欲從遺老問此理待昭闡牧犢墟岸行沽魚
渚沙踐望望夕霞西花林恣回緬

得晴沙書却寄

靑女霜遲遠漲漫美人無計報琅玕十年歸夢吳江冷
一世雄心蜀道難讀律有才空骯髒論詩何味寄醎酸

鑿坡詖蕩鷗波廣望斷清尊話夜闌

題璞函少華舊刻詩卷感寄王述菴耳山璞堂
幾載青林夢故人一編風雅坐相親鯨魚絕海苔栖翠
欲繡平原趙勝身

張也堂堂世亦傳苗而不秀豈非天蛟螭螻蛄尋常有
斗酒公然倒廿篇

香火隨肩我後生

二君皆長予六歲

一官慚愧佛先成十圍絳

帳三通鼓忍對巴猿月下聲

吾鄉二陸俊非常各賦凌雲動九閭僥幸詩城在湖海

歸然君是魯靈光

吾邑及青浦二十年來以奏賦授中書者述菴與余以丁丑璞函耳山以

壬午少華以乙酉而璞堂則以
癸巳賜舉人湖海詩傳述菴撰

補鍋篇

補鑄匠不
寺有學者

知姓里往來重夔間每宿僧
令負擔從不求直後學者至

師自給自稱馬二

輒飲時夔州有馮翁以童子
子或馬公一日與遇相愕已

而相哭牽坐山中

語竟日屏人不得聞惟聞此
見時永樂甲申乙酉間也後

皆莫知
所終

川東老兒貌奇古半肩兩

膝鍋善補夢迴玉座與金川

跡徧渝州及夔府閣黎鐘

畔版牀懸良冶爲裴家失傳

計脰却教擔簦代得錢祇

愛過壚捐成王立政袞非闕

錯鑄六州變倉猝旒冕驚

連朱飲升鉢衣浪說緇流謁

袞袞廷器斗筭等閒覆

餽陷凶爻登山要採薜薇飽

照水猶連瓜蔓抄湯鏹如飴事何益潦倒麻鞋絕行迹
返鑾無計葺牢牢顧甌有人護豚柵爐鞴垂垂凝望賒
蒼茫列鼎舊身家俠骨鼓刀溷塵市隱心磨鏡寄生涯
雷公擊橐雨師洒破釜擊回露光采鍊石徒看北斗橫
缺甌孰念南都改猶有高寒馬二翁強擲章句啟童蒙
相逢驟作鵲啼月相別遙成牛走風此事羣傳耀圖契
歲在乞漿城白帝四載紀元革令從兩朝食德宗稱惠
因端袵臂罪勝誅刼盡灰銷血泪枯太平麥飯尋常滿
肯向長陵薦一盂

峽中聞鷓鴣

一種猿聲外聲聲勸客歸春風湘草綠底向峽雲飛

宿壤塗

簞築荒江起人煙昵夕餐月波沈野渡水信漫湖灘
酌親雙檠溪漁自一竿掩篷留宿火無數鶴聲寒

湖灘

名勝記萬縣南江中有石如胡人名胡灘四川志夏秋灘漲如潮故名湖灘

湖陂寬以平灘險迥非類一漲灘遂空豈解命名義石
形肖愁胡牽綴自圖記我疑疏鑿初磊落大星墜年深
淘惡浪骨理盡枯脆僵卧爭一疊立腳轉寥窳連連大
小灘習坎動危惴臨州抵萬州動謂席平地紅船標救
生坐對墮清泪翻羨上灘船沿緣險能避

萬縣

城惟東西
南三門

一縣魚泉利高城欠北門西山空別業南浦故銷魂
畫旅衝岐路冬畚偪燒痕蛾眉露江磧雞卜欲何言

岑公洞

岑仙夫豈仙高尙志蜚遯朝堂政昏暴州野力疲頓
江臯嵐翠蒸一邛擇旄敦不投龍門策要遂金鼎願
閉關頤太和年壽獲長曼有如避秦人采芝脫塵溷
幔亭桃花源異代可同論弭節尋洞天綠蔬被畦畝
林碑揭清境泉響汨沙堰角巾招蒼寒崖氣肅蒼健
太陽匿四阿厚地撤重鍵廣輪數十步未礙大旂建
正中鍾乳垂狀

白華詩鈔

里區集一

五

似馬肝獻道裝肖虛鑒尙供胡麻飯後壁銅石床神漿
凍猶噴來游徵宋賢解駁偶完寸急風掃爛莓淨土竄
飛颺洞頂田足畊井井若下溟循欄西復東心手眩牽
挽醉公公盍歸鶴語訴清怨

雲陽

城影石城名山邊江枯一折圓五峯當縣闔萬戶入莊田
封邑扶嘉遠靈祠益德專杜鵑寒不到春盡莫停船

鳳巖觀瀑布憩張桓侯廟閣

輕舟犯龍脊迤坦就沙步仰面見廟門胆落震霆怒玉
龍下九天牙角盡傾赴十重懸水簾三折縋瀑布窪然

池一泓一吞勢旋吐併力朝廣源眞宰焉可訴是時法
鼓闐萬口飽神胙半空插闌楯陰火暗蘭炷熊羆不二
心漢業限天數聲靈炳來葉戰伐奮前路大江流泯泯
憑弔日忘暮作碑寓賺詞彼哉曾子固

放猿

草閣高面山寒影入虛闕稍聞跳擲聲謂是短童戲闕
窓得善援爲物黠而慧銀鐺孰繫頸玉環孰留臂果園
乞榛栗瑣屑耐供飼不誇解語能不聞接末秘惟願檐
月升噉噉激清吹吁嗟山埜心吟歎出無意繫之仍試
之安得盡其技急呼縱使歸木處老巖翠此獸寧足奇

雖奇吾弗貴他年過嶠冢却望野賓至長享巴西封休
下巴東淚

峽次觀晚霞

凝雲如蓋雨如針津鼓鑿鑿畫易沈玳瑁天天又晚
一重紅淺一重深

孔翠船篷遲宿緣剪來西錦照東川昏鴉宿鶯驚飛遠
此是酸寒富貴天

餘綺低翻匹練明赤城一語勝宣城只愁小李將軍見
三峽樓臺畫不成

白華詩鈔

南滙 吳省欽 沖之

里區集二

起乙未閏十月止十一月

晚登夔府東城樓同秋塘作

高樓仄徑葉紛紛笑攬茸裘昵共君夔子山川收返照
魚人聚落對行雲飛騰豈謂屯天數竊據何堪策帝勲
下上瞿塘平似掌得歸應喜斷猿聞

曉坐望白鹽山雲氣寄晴沙

一雲出山旋蔽山山風一飄雲一還有時吹送各天去
天空山定雲閒閒上山白日下山雨愛山愛就白雲語

赤岬無情草不萌苦向白鹽分爾汝山雲對我意殷勤
如輦如圉高下紛連峯十二天然好笑謝巫雲是楚雲

越門太守送葡萄酒鮓魚

馬乳垂檐遶夢頻雙瓶釀就喜相親知君心厭涼州守

也把蒲桃酒讓人

太守時已乞休

魚腹江邊水氣騰吹沙張口呈魚脣分明小雅詩人義

欲上高臺注未能

鮓本名鮓

官非吏部能傾甕室有山妻笑上竿擬割半瓊作

去酬

報不如勸駕就壺餐

次韻答秋塘食鮓

魴鮓鮮且腴名隸雅材小昨叨地主遺法向山庖討草
草分一抔饌好博詩好感君見秋風不逐思鱸擾鱗龍
掃盤後詫此偏師搗齧臂縱弗如齧臂寧遂少斑魴化
白頰怪異著窮島稱魴繁以鮓類族藉研曉衛鮓字子
魚陳義聽無藐雖欠骨鯁終幸脫鱗甲蚤峽江江水幽
乘興荷煙初問訊到襄陽槎頭片帆飽秋塘以今春借
鴻治堂入楚焉
畱而秋
塘來蜀

曹秋漁軍中書至却寄

半生特地逢冬閏十月天爲九月天圃菊叢分黃蝶舞
江楓林對白鷗眠念君北路司戎幕謂我東川醉客筵

報道夔巫風色好稻堆堆徧壤西邊

水簞

扁院鄰故宮久斷鹿盧井無人擔水來呼水準竿影一
竿穴牆腰通透根到頂決溜分涓涓滿盎祇俄頃旣解
硯瓦渴亦謝符詒婢借問水所從遠向大江打勺水直
半錢利病亟陳請前守瀦十池其七蹟猶同引之俾入
城萬竈飫甘醅奈何熱簞荒涸鮒盡延頸徒使移徙民
賣水飽湯餅寄言買水家水利溥平等願爾菽粟多願
彼衣食永一飲良區區託命佑芒穎

永安宮

康熙二十九年夔守許嗣印
因址築亭在府學明倫堂後

垂創三分國存亡六尺孤赤符謀復漢黃鉞忿窺吳持
敵師偏舛還軍路不紆蠶叢懸夢寐魚浦息艱劬象秘
星躔犯宮深玉几扶儲君宏後勅元老亟先趨治命彌
畱最忠言繼死俱蠟靈號地坼鶻血濺春徂一自歸喪
儼重尊別殿無翠華颺跡竄珠幃薜痕鋪逝水長東逕
開門遽北俘聽笳墻隱雉過櫺闕朝烏中道空王業羣
雄祇伯圖結亭存體槩立學改形模下輦魂應戀分香
意孰誅向來伊霍侶主德爲交孚

黃初四年三月月犯
天心星四月先主殂

甘后墓

后合葬惠陵今夔治望華亭後
有后墓元人爲之碑予嘗辨之

海水羣飛日江陵遠遁年英雄輜重棄妃御管徽傳繡

祿看終脫金釵喜竝全數踰長坂盡運劇下邳邐是歲
荊州領新婚子系連易驚刀婢健應念玉人賢藏骨違
巴地歸魂黯楚天冊稱虛末受輜載耀分編暴室崩差
免鴻溝質未旋佩環聽寂寞綃帳記纏綿魚武偏師返
龍顏不豫延頓教音樂遏曾具禮儀遷先墓忘之矣庸
兒信有焉言芳夔壁後劉禹錫有夔州刺史廳壁記賁恨蜀都前補
獺吳矜寵盤蛇鄴效妍漢家榮后紀萬古慰寒泉

八陣磧

絕峽三重險神兵十萬雄畱名森硯礪懸象閼鴻濛作
卦方斯聚披疇次不窮陰陽生太極首尾應當中掩鏃

銅精澀鳴杼石竇通堂堂奇間正屹屹守兼攻聘幣真
王佐傳符始帝功英靈千古在規制一時同數較盤基
滅祥延釵鬢洪力爭猶豫石氣壯永安宮自抱吞吳恨
還殲伐魏躬叢祠霜溜柏域墓雨埋桐結陣從風后規
營及馬隆山川猶遠勢天地祇孤忠極浦晨驚鵲高城
夜起虹劉宗圖籙盡搔首問蒼穹

夔語人曰踟躕拾小石係釵爲一歲之瑞

白帝城

閨位扛炎鼎稱兵踵綠林印連黃綬假城斷白鹽臨陞
戟知何處樓笳思不禁五千精銳練十二讖辭注躍馬
威名震騰龍體勢陰稻田流浩浩柏柱屹森森方幅徒

修飾空倉絕信謔封囂情愈汰刺歎計偏深羸氏剽殘
通成家負吉音就徵無李業歸命有延岑刻掌文猶在
當胸洞不禁遺隍長赤甲真主本丹心豈足論王霸聊
資鑒古今鵲窠嘲羽鍛魏都賦庸蜀與雒鵲同窠蛙井喻聲沈望帝
還畱輦詩翁幾聽砧春陵佳氣遠凌眺一開襟

寄題石砭秦將軍貞素廟石砭於乾隆辛巳改設流廟割古司治爲之

巾幘開前府麾幢答勝朝身名三史冠儀象八蠻標獄
滯夫難望封遺子待邀一司歸總攝百戰靖紛囂滅播
威初震平奢氣不驕勤王成遠涉整旅隔危譙今京師外城四

川營爲夫人入
觀駐親軍處

日接平臺儼天賡異數昭玉音

名機空展

禮金甲幾沈銷大帥聰教瑱渠兇走善趨夔門驚決裂
砧石敢漂搖逐北尸嘗遍寧南將竝驍請纓賁夙恨束
簪罷長徭奕代釐官土因堂立廟祧繡裾松影護白桿
蘇痕彫恤緯同周隕

夫人以順治戊子
壽終葬會龍山

乘陴較洗超龍

山藏骨地端共奏笙簫

越門太守餽鯉魚

江東有巨鱸千斤負雄力連船餌牛牯頓頓慰飽食洎
從京國遊菜市轂馳擊敲冰割片腴評價萬錢直蜀都
號沃瀛章錦配鱗色每譁丙穴名薄染景純墨一义得

魚舅驚報二三尺徒看出水爛轉笑清波瘠譬諸培婁
間豈復產松柏夔江江濫汗丫繫集煙磧起汕分鱸材
到門齒折屐羶膏性所棄茲味美無敵鼈橙取芳鮮搗
薑資埽滌骨脆兼肉肥毋乃和去熊白步兵思鱸魚棄
官計粗得君退持急流無魚殊不惜地厚物故鍾品奇
嗜乃特藉醕巴鄉清鄉夢繞楓荻

觀蓮花峯放燈用初白集夜觀燒山韻

風定天昏炬細熏後門前檻爛蒸雲華鬢笑證金蓮宅
鉦鼓疑屯赤甲軍農耜春翁求化火經樓雪嶂報延焚
無端也當湖燈賞祇起鴉羣少鷺羣

灤瀕行

君不見白鹽赤甲形槩雄兩崖偪塞夔門通崢嶸象馬
踞江面沒以夏漲浮以冬盤盤圍轉廿餘丈插底孤根
在龍藏負厚非關瑣碎堆出奇要作鼎森象李冰鑿不
開秦政鞭不到昂精聖人乘載初赦爾東行直下黃陵
廟廟邊發船雷鼓鳴冷泪峭落猿三聲上船篋纜下船
槳峽口未到魂先傾是時灤瀕狀沉隄颺忽崩濤化平
地同舟同命心力同汔濟寧關石靈庇今年九月係朽
月宋黃仁傑夔州苦雨漕瀆洞渦悍難制旬來幸遇天
雨霜陽侯退落千丈强木蘭雙櫂信沿弄想見冒花撒

髮紛披猖我歸從陸不從水爾縱彭亨偃蹇如許能我
戕爾且夷爲黑白青黃壤利與灤屯報豐穰不然結爲
泰華嵩衡山膚寸雲雨沾人寰有人却誦老坡賦謂與
嶠江屹一柱江如萬騎盡銳西下來兀迥堅城舍之去
辜醜應酬保障功文章豈抱迴瀾譽奉節志八景有灤瀨迴瀾歛歔
乎哉君不見八公天子盜兵革遺廟年深委煙磧惟有
放翁搢杖吟反道丈夫死社稷

赤甲山

青鞵徑度青苗阪赤杖高等赤甲城晚照一天標石色
斷流九地枕江聲自來夔府依秋士孰遣獠亭走漢兵

節候稍遲烏帽落物華還對綠樽傾

灊西訪少陵祠不得疊成都草堂韻

性褊幽栖合祠遷舊迹沈幾年黃菊泪萬事白鷗心巴
蜀居相望臯夔業未任飛濤通細澗簪髮照森森
高齋苦三徙造次輒傾貲江漢迎殘夢乾坤入小詩翠
屏晨闕射錦樹夜尊移藥裏防多病平生國是危

漂泊西南久孤根窟撼蛟親朋風斷札猿鳥月窺梢宛
宛辭荒縣依依息近郊受遺宮闕重復此見衡茅

我豈憂時客公非避世翁石門收稻後粉堞聽笳同峽
抱南鄉濶園遮北崦濛不愁楹廟冷回首百花叢

寄陸赤南成都

別棹悠悠信使賒講帷可對白牛車十年荏苒隨行李
二月棠梨得坐花劍外幾人求選集尊前無事說思家
夔城落日龜城月分照寒衣水一涯

白帝城明良殿祀先主及諸葛關張三侯殿故
公孫述祠明都御史林俊改祀江神土神馬
伏波爲三功祠今惟江神祀前殿

朝暉淨山郭郭廢跡同弔罔辨紫陽城夔人以故治城爲紫陽城蓋子
陽之訛白帝城一名子陽已失白帝廟闔堞存宛然屈

城二城闔堞多有存者
步上危嶠櫺櫓槐柳陰水鶴獨哀呌水深山又高控

藉游徼應論版築功况播藝穫教奈何時會艱黃屋據
尊號擬諸卓與瞞有祠付一燎因地祠三功水土答神
勞合饗逮伏波舉廢誠不料云誰奉先主玉座耿斜照
主臣卜同德將相塑遺貌翻憐井底蛙較異二賊暴陞
衛延故入事事坐虛剽以彼器量盈念此寄託效古今
極俯仰予奪係哂笑隔江指崖樹丹暈入妍妙赤脾袒
我旁一角露崩峭江山壯如此心目交眩掉血食安足
論畱連去毋躁

東瀼

瀼口微平地山根不斷村秦倉喧出穀底事墾東屯

菜園沱少陵新祠

祠故晉階書院在城東三里江越門改建

半畝叢祠替草堂菜園沱口竹梢墻榱橫南斗江流壯
砧遶東城暮色長老去詩篇芒萬丈生前遷徙債尋常
轉移到底需賢守爲語經儒一瓣香

泛濫頌

江落淫預高石色肖朽壤子立江中央精銳蓄夔蚬舉
頭向南岸如馬脫鞵鞅其北逾獷頑曳尾伺煙漿漿師
羣面之始得儻然往天寒水清瀏入夏變滃泱水脈誰
爲爲習者戒粗莽老鷹鬱餘怒一撇翅生響仄巘尙懸
檜斷流希撒網且泊下關城陟山抗遐想

秋汀燮亭招泛夔峽憩少陵新祠

山郭千家挂客牕相招相喚屐停雙
曝衣恰趁晴三日載酒先乘水半江
日氣白浮楓葉渡江聲清和竹枝腔
北園西閣成蕭瑟新對龍文萬斛扛

重至永安亭

萬古艱虞地重過閉浹旬映門桑葉盡
繞殿菜花新天數屯三統臣躬對百神
江東雄得虎不稱受遺人

望華亭

在夔治後山西北十餘步云是甘夫人墓

白磴莎亭壓郡衙槐榆樹老晝翻鴉
山籠赤白三千界瀾帶西東一萬家
銅馬有由窺井絡璧人何事葬天涯

神京路比咸京遠瑞日如輪湧望華

相公橋

橋建自明萬歷間下有溪志言
寇萊公令巴東時過此畱酌

相公橋遠相公泉

在巴東

照影臨溪酌偶然解道出山清

見底却將隻手障澶淵

白鹽山

刺天高幾里嶺半白瀾瀾一氣漫巴郡千秋落杜祠斷
篷人曳井下壁鳥翻旗未駐劉宗輦蒼茫爾勿思

上灘謠

一里流數灘數里住一飯灘多飯亦多身手自言健船
身劣於馬百指孤纜牽牽船與石鬪敢挂風蒲偏夏行

水底石冬行石根水分坐上青天何如棧雲裏

晚泊磁莊

子月雲安峽孤村早閉關角聲黃葉外帆影翠微間江
淨三灘隋沙寒兩岸環吏人強半遣蹤跡混漁蠻

拽纜歌

斷竹續竹絞成纜黃蛇盤尾舳艫暗檣高灘高汨華澹
灘高日低孤磴修千指一纜洵負舟纜懸舟定頑如牛
腰環纜直走差馱一戟一鈎石棱絰一夫起絰震呼喝
絰起舟退君勿嗔石公齧纜能鮓人幅帆枝槩江不神

廟基灘

九地深埋石分明水占山只因山斷路翻怨水程慳
昨夜水落丈今朝水落尺願得落令乾峽底斷行客

舟中望雲陽

高城却月倚蒼蒼凝望無多望轉遙三老諱言長短路
百靈難借送迎潮江吞爛石枯方吐風長輕帆背卽消
放溜溶溶輪上番西南天地合乘輅

下巖寺

下巖壁如削其上麋聳龜輪困墜江岸叢石交累棋斂
眩恣目想意境無絕奇適綠沙上飯遂撥巖邊霏巖高
日景短驅落荒城陴危根不著地凹入成厓屢縱橫七

八弓燈火明琉璃得知混沌初椎鑿工安施蓮臺四禪
天勝果叅聞思雖非鍾乳結頗有厓莎披中央裂片棱
燕去龕猶支東偏割丈室齋磬敲僧彌風簾不可挂簾
珠水所爲簾外見煙戶隔江鳴午雞徘徊顧同遊寒氣
蒼鬢眉揜杖亟捨去恐受罡飈歆

上巖寺

洞窄崖傾草不芟病僧捫蝨倚枯杉只緣西受江流早
修得虛名占上巖

彭溪

今名小江口

蜿蜒胸臆縣涓瀝容母水一刀非不容寸寸齧石齒入

舟便百骸豈必計遼迤要以情勢論取道姑舍此溪民
墾磽确斜日散雞豕粗分橡栗甘豈少魚稻美語我行
沂江博望灘可艤就陸升梁山山翠晚凝紫使程自有
常垂堂竟何已饒唱君勿喧沙禽下還起

九堆

距小江
口五里

升菴錄江險堆名漏未輯離堆灩澦堆突兀水心立九
堆真九龍頭角隱觶觶旁踞江南崖結氣併噓吸渾淪
仙家困敗破天公笠廣可千步準高亦數仞及如四巷
爲閭如四井爲邑一石聯九堆了不判岨岨天寒狂溜
消迓我拱而揖亂篙點蜂房獨上著黃褶蹋腳無寸泥

展齒睨蒼漚上無惡鳥污下無饑螭蟄江斐觴百神舍
此坐難給偉哉造化功有咎孰可執自來物性殊何啻
判燥濕水大堆一空救生船四集

予屬藁塗乙每至不自省識頃錄廳府詩藁其
藁江中戲作

腹藁蒙頭少未能刪塗紛吊剡溪藤他年過鳥輕身字
若箇閒情管杜陵

信手平拈費手敲淋漓席視漲難消檢來斷送清流裏
不要江神守大瓢

自奉節六日達萬縣

兩日來程六日還強弓百步殼難彎載分書畫如裝石
坐對雲霞幾息關半世文章遲下水一時賓從銳登山
年來不敢貪風便幸及無風抵渚灣

萬縣山中雨行

踰年息筋力按部順從水下灘旋上灘舟向郭門艤輕
輿如故人別久見輒喜明知岡阜長願及風日美曉發
萬縣城午飯三正里相迎復相送山色淡如此櫟樹紅
欲然橡葉黃半死高梁鬱戔戔劍閣去啣尾

白雲被茅屋屋角炊煙濃煙起雲勢開半露青芙蓉少
焉雲再合煙亦雲是從煙雲互明滅顧盼皆盪胸巖深

景多晦隔手紛濛濛征衣受急響雨點喧來衝不畏衣
上溼悶此泥間蹤却聞覆麥人笑語坪泥鬆

山郵無短亭沈縣日應夕記程藉輿丁五里班一易有
時連臂呼直上抗猱迹迹間滑滑泥泥底巉巉石著脚
難豫期寸寸跨鼇脊一尺三四步一步三四尺我生雖
鴻毛未可付蹉擲石戶思悠然貫沽整蓑屐

蟠龍山飛雪寺西閣觀瀑

曉度分水嶺晝過銀河橋風聲班馬聲夾磴鳴蕭蕭河
無支流無脈點黛裝鬢媚行客高田細簇猢猻梯冷
壁斜嵌茈萸宅屐痕上齧八千丈練影分垂六七匹天

孫織素懸星潢二十八潭翻帝漿玉龍九子開道路鱗
甲各各披光芒三岐五劇滙雙股白日青天打雷鼓溪
壘塞耳寐無覺歷落山農對簾雨我却怪謫仙人石梁
三疊鄰匡君夜郎放浪足跡隘江風海月空傳聞我又
笑桑苧氏中冷一勺表揚子甘腴至味茲品茶晚遇商
英一知己搖漾長生官驛寒昭蘇更潤邨疇美嗚呼山
頭瀑布如此無石湖推讚詞非諫下樓我欲探龍洞如
席雪花攪清夢

白兔亭

亭在蟠龍山嘉靖壬辰於此獲兔巡撫
宋滄表進禮部尚書夏言請獻宮廟作

頌以進亭有詩碑四
皆武臣及副使作

君不見興王繼統拆淫寺大典明倫矯羣議章聖創行
謁廟儀真人待闕朝元秘十年端拱稱太平醮壇如雲
連玉清鳳凰麒麟世安在天佑一兔毛晶瑩野虞羅致
外臺獻瑞應分明玉雞見長秋娛翫事猶可告祖告天
太誣譎臨軒却賀陽再三大雞柄禮趨趨趨毫作頌
導浮汰青詞宰相心所甘是秋彗星犯東井當道狐狸
跡難屏纍繫空成四鐵名馮干城孰扞九邊警斷風亭
柱沒秋煙噴霧厓頭烏闕懸勒名壯士迴鞭杳不比青
藤表易傳

晚次梁山桂溪書院

萬峯盤瘦馬一落萬川城候館依山靜人煙向晚明忠
夔紛割屬范陸迴含情却問來夫子知德寥寥學易名

寄題雙桂堂

蜀中賜藏經者惟華陽昭覺寺及此

海藏來天上招提萬古名拜山鐘響亂埽石竹陰傾講
拂封人境屠刀化賊情木犀香近遠滯迹愧雙清

高都韻

朝餐穿北郭霧凍日初上資緣梁堰間紫萍碎搖漾官
程趁農畛九背旋九向攀藤入高都種薑庶無恙方苦
津梁疲驟覺耳目曠盤盤鴈鸛羣決起如我抗水田沈
芥坳山脈簇蟻壙累朝數上劇邑析半義非剗垂天耳

長雲千里費隄防不見浮蘭碑搜奇失神王

自新寧境抵達州雜詩

溪上羸螭嗽未成黃瓜塘外捲雙旌逢場笑問煙鬟影
不記峯名記地名

豆山紅豆苦相思雞足無緣禮導師苦竹抽篁櫟結子

得知霜信到多時

蜀多慈竹俗謂之苦竹

涼風埡頂細盤螺抖擻羊裘奈茸何百里秋毫都挂眼
輿丁祇說是山坡

豕棚牛欄苦草齊斷橋清眇秀蔬畦褰帷不住瀟瀟雨
看煞烏犍趁一犁

楚鄉香火禹王宮迷過桃源路又通聞道謫仙落詩版
幾人爪指剔苔叢

濃如新釀褪如潮熨貼青羅帶一條短艇不知魚計穩
半裝熟米半薪樵

松明無火乞孤邨磴滑崖高景倍昏搜得怪藤安曲几
爲煩宜櫛斂征魂

皆夜抵亭子舖候館磁斗中有藤一本云其花可以止魔亦名夢花

斗梯難上下逾難倒緯呼號骨節酸我看青山人看我
一簾還掠水雲寒

達州偶咏

盤青繞翠落輜車樓堞差參卷暮笳晉魏規模尊後漢

雍梁形勢上西巴賦隨綵貨三農儉俗傍獮氓百戲譁
交付官師了公事一枝筇杖要搜爬

石城石鼓奠關河文獻何存歲月磨勝蹟斷從長慶始
寓流傳向夜郎過晴稀雨密天真漏水下田高土不和
勉識四夷防守義殊方繼圍壯天戈

川北川東控馭并文歸察使武歸營山雄邊障名多陋
江瀉冬槽影倍清獵炬有人殲餓虎戰船無事斬神纒
出羣才調由來少六相區區脫屣輕

通州那必勝江州麋鹿分庖雁鶩秋士氣似騰年大比
民風及采卷長畱治兼守令官多假境偏華戎路孔修

LA 51 1211

三

曉蒼邀過北巖寺尋巖上太白詩版不得

小庭攢四山旬日甌中坐目成城北美星火促校課自
頃曹事空東道遣一个甫踰重門限遽撤長戟荷濕泥
停淫淋捷燈下坎垓招提壓面迎栗葉寒稍墮麥苗圍
斷垣青抹飯鐘破創修遡宋明工作幾勞瘳一茶話廢
興啁雀響相和喚我探幽巖布襪笑拚澆了無蘿葛攀

差少莓蘚蹉渾淪撐怪石萬古受錘剉縛帶埽積陰惡
詩洗則那久湮謫仙碑祇刻法王座是時蒼霧霏江影
練遙卧已封鐵峽奇未攬芝鄉大火雲接冬電猛雨恐
來過主人謂無恐定許晚晴賀歸徑槭槭鳴逝憶悠悠
鐵解纜及明晨畱題庶傳播

翠屏山尋憂雲亭故址

橫江十二翠屏齊一扇孤撐斗向西宣漢人煙明橘柚
中唐宦蹟隱蒿藜謫官涕泪青衫搵才子聲華紫籙題
猶有野樵能指說憂雲終自勝丁溪

龍爪山白塔廢寺

江路擁一環向南境差闢山巔如砥平浮圖卓空植懸
厓隋飛下轉眼落江北紆威縈斷町人跡間牛跡潭潭
滌濕泥尊枉遇寸直載折登石門門罅影暗黑急跳跳
上頭數頃破鬱塞大千現光明師象負神力霹靂一角
摧肩聳七層積如聞二龍子升降作安宅稍西面齋廊
罕復覩古德孤磬暗不鳴壞碑澀無色煙際帆忽行江
練在巾舄逝矣樂山心邈焉獨吟客

舟下渠江四絕

無霜有瘴是通川元白酌詩語未然攄過夏雲亭下漿
薄陰天變老晴天

尺五寒流染黛低
玻璃不似似瑠璃
枯桑病栗沙如錦
纔見漁郎曬網時

尖山簇簇帶斜山
冶火紅燒鐵峽頑
細問南昌灘不省
半竿孤鷺落霞間

兩江冬水綠悠悠
之字帆迴亞字洲
記取蜜羅柑香灘
處一尊遙夜竹枝謳

三滙舍龍母祠祠粵人所奉

渝水吞渠水如雲
笑趁場偶尋龍媼宅
却話蠻人鄉薦
韭冬盤蚤凝花夜
繁長聞歌增銳氣
銅鼓應鏘鏘